

Transkription von Stadtbucheintrag HAL 1308b

Ort, Datierung: Halle, 1308-??-??

Signatur: Universitäts- und Landesbibliothek Halle, Yd 2° 31 (2), S. 2 [\[online\]](#)

Inhalt: Hinric Baldwin: Nachlassbestimmung, Sophia von Konez: Nachlassbestimmung, Busse van deme Grashove: Nachlassbestimmung, Gereke von dem alden Markete: Nachlassbestimmung, Grete Helliges dochter: Nachlassbestimmung, Mechtild Helliges dochter: Nachlassbestimmung

Bemerkung: Seitenangaben laut Eintrag der Bibliothek; ursprüngliche Paginierung nicht erkennbar

Hinric baldwin quam ingeheget dinc . vn(de) begauete sinen kinde(re)n / swaz he begauen mochte an eygene vn(de) an varender haue . Daz ¹ sal / van eyne kinde vf daz andere vallen . Sunder siner dochter iutten / de sal haben achtentich marc an sime houe . selue wil he herre sin / wile he leuet . Gebudet got ober en so sal voremu(n)de sin her sand(er) / proue vn(de) koppe vn(de) marquart sine swegere . /

Sophia hern hincen ² hinrikes husvrowe von konez qua(m) inghehe=/get din[c] mit erbegeloue vn(de) begauete hern bussen von deme grasho=/ue ereme vetteren allez daz se an erstorben was van ereme vatere . /

Busse ere broder qua(m) ingeheget dinc mit erbegeloue vn(de) begauete / hern bussen vo(n) deme grashoue sime vett(er)en allez daz en an erstorben / was van sime vatere . /

Her busse van deme grashoue qua(m) in geheget dinc vn(de) begauete / de gaue . vn(de) de anderen tw gaue van marquerdes dochteren si=/nes bruders Jacobe hern merclines vn(de) johan(n)esse gerewigt . vn(de) lu=/deken keselige . vn(de) Hinrike wydwine vn(de) sime sone . vn(de) Hinrike vo(n) / vriberch mit alle deme rechte also iz eme begauet was . Selber / wil her weldich sin wile he leuet /

Gereke von deme alden markete qua(m) in geheget dinc . vn(de) be=/gauete sinen sonen . gerharde vn(de) hinrike vn(de) johannesse vn(de) sik/fride allez daz he begauen mochte vor gerichte . daz sal van eine / vf den anderen vallen . Selber wil h(er) valdich sin wile h(e) leuet /

Grete helliges dochter qua(m) ingeheget dinc vn(de) begauete hennige / von besen ereme werde alle daz se an erstorben was vo(n) ereme va[tere] /

Mechtild helliges docht(er) qua(m) ingeheget dinc vn(de) begauete clawese / iungen ereme werde allez daz se an erstorbe(n) was van ereme vate(re) . /

ÿsendrud helliges dochter qua(m) ingeheget dinc vn(de) begauete perre / iordanes sone witgereweres oreme werde allez daz se an erstorbe(n) / was von ereme vatere . /

¹ mitteldeutscher Einfluß erkennbar, jedoch nicht durchgehend und konsequent (selue - selbe)

² ***hincen*** durchgestrichen